


# BIKPELA BATAPLAI BILONG DE (Bird wing butterflies)

PNG igat planti kainkain bataplai bilong de. Em igat moa long 500 kainkain bataplai. Sampela igat nem na sampela moa inogat nem yet. Dispela em wanpela bilong ol bikpela bataplai bilong PNG.

Em ol spesol bataplai bilong PNG.

Yu nonap lukim planti long ol arapela hap bilong Wol....PNG tasol igat planti liklik.



Ol dispela bataplai ikam long wanpela bikpela grup (family) *Papilionidae* na liklik grup (genus) insait long *Papilionidae* em ol kolim *Ornithoptera*.

Piksa *O. Paradisea paradisea* (*Lepidoptera: Papilionidae*)

Dispela liklik grup (genus) *Ornithoptera* bai yu nonap lukim planti insait long bus. Olsem

na bai yu mas wokim fam long lukautim dispela ol bataplai. Kain bataplai olsem sawe painim hat tru long stap bilong bus (wild), long wanem ol igat planti birua (predators) long laip bilong ol. Narapela samting em, kaikai ol sawe kaikai em hat liklik long painim na tu dispela kaikai bilong ol ino sawe gro planti long kainkain bus long olgeta hap. Wanpela o tupela gro long bus bilong olupela gaden (secondary forest) na sampela gro long bik bus (primary forest) tasol.

Ol dispela bataplai sawe kaikai lip bilong wanpela spesol rop we yu planim long fam bilong yu. Bikpela grup (family) bilong dispela rop ol i kolim *Aristolochiaceae*.

Insects farming leaflet created by Parataxonomist Training Center Madang PNG.  
P.O. Box 604 Madang. Ph + fax 8521587  
B. William